

洪北江(亮吉)先生遺集(七)



清・光緒三年授經堂重刊本影印

洪北江（亮吉）先生遺集（七）
清・洪用懃等編撰

華文書局股份有限公司印行

月
魚
車
吉
平
山
金
木

授
經
堂
藏
板

卷緒三季豐
卯月重鐫

附鮚軒詩目錄

卷一

機聲鐙影集

古今體詩一百一首

卷二

采石敬亭集

古今體詩八十七首

卷三

黃山白嶽集

古今體詩五十三首

卷四

長淮清潁集

古今體詩四十一首

卷五

桐廬林屋集

古今體詩五十九首

卷六

鍾阜蜀岡集

古今體詩八十五首

卷七

茅峰攝山集

古今體詩八十二首

卷八

天台雁蕩集

古今體詩六十一首

附鮎軒詩卷第一

陽湖洪亮吉著

機聲鐙影集 十三至二十歲作

元夕侍母坐命作

阿姊邀題句慈親偶破顏十年風雪裏始覺有春還
附熟篇

送翁書堂太窗疎尚見星母勤三歲績兒受一年經影
小扶簾入聲長隔院聽做衣經數補莫訝未純青

驅兒篇 補癸酉歲作

余八歲自塾中遣歸吾母抱余泣云云及稍長有知
遂作驅兒篇以記母語

東家驅兒不使讀書兒跽告母母驚兒呼西家驅兒不
使人塾兒跽告師兒已受扑入告母出告師孤兒不食
淚若絲牧羣羊牧羣豕孤兒甯願讀書死君不見三尺
孤兒亦人子

歲歉篇

十三知歲歉十四忍朝饑母病逋師俸兒長著父衣瘦
憐親串識貧覺館僮譏冷巷歸來晚書聲出破扉

精衛

精衛精衛生於海東朝銜西山石募投東海中力不自
度凡禽笑之精衛精衛勞无已時心雖勞志不改塵飛
揚在東海

正月十三夜至前橋訪姊二鼓始棹舟還

月午都將歸路迷
蜻蜓舟小住前谿
夢回三處尋蹤跡
影落水南蒐水西

夜起

不寐三更後孤行衆竹中
夜光非借月暗響不因風
影逐棲樓燕肩差倚井桐
縑囊私尋句未敢付奚童

詠史篇

運玄矣籍若何八千人散漢
一歌時至矣勝亦武百二
關亡楚三戶噫吁嘻秦明月
漢大風恨有豎子無英雄
母命詠月

乍覺冰蟾透下方旋聞花漏入
三商此時金粟欲無影

徹夜玉繩微有光
睨底樓臺空浩渺
秋中節物自清涼
翩翩歸妹西行好
莫更拈著怨有黃

遣僕篇

先君遣一僕以歲歉遣公作此送之

影小如余瘦
形疲覺汝饑
青蒿憐故食
黃葉補秋衣
炊冷泉通竈
眠遲露入扉
舊巢猶苦戀
清淚滴依依

同蔣十二阿定登太平寺浮屠

君從城北來
覓我城東路
松花一枝折
尚新知是卜家
墳上樹
東門橋邊七層塔
君上一層心
轉恹羸顏紅坐
綠蒲團
怪我偏將塔鈴踏

閨思同蔣十二賦

簾明知夜起
閣敞看朝霞
影瘦只疑鳥
顏春欲誤花
情

尤耽諷詠意解惜年華墨瀋留頰頰紋印指父庭隅
垂竹實墻隙隱匏瓜穿樹鶯荷急巢梁燕乍譁都嫌漏
消息不放入窗紗

郭北篇

辛巳歲洪子讀書郭北鄒翁家翁憐其貧欲以女妻
之聞有所聘乃止洪子感其意作郭北篇

兒家城東偏翁家郭北隅附翁錢一千伴翁兒讀書讀
書書何多翁言兒大好枉有七八男無如此兒矯翁言
欲壻兒設此堂上尊十三名家息十五廉吏孫兒言苦
濡澁座客顧告翁強自致一詞柰此兩頰紅兒宗實蕭
蕭母淚復縷縷前織一匹縑已聘貧室女門前田十雙

屋內錦十箱翁言雖至誠厚意固不當

清明後一日得蔣十二阿定江西計

惜別河干尚縱談蜻蜓舟小水拖藍春光乍到一百五
慧質肯過十二三髮綠挂窗留烏愛顏紅入鏡識花慙
明晨哭爾西郊去酒滿銅瓶筍滿籃

南樓夜宿

後牖穿明月前樓看曙星水分三面綠天入一隅青影
暗藏書幌竟驚貼畫屏眠遲偏易醒警夢有檐鈴
母命口古送從母歸芳茂山故宅

巢成好挈孤雛去美盡難依邱嫂居裁帛寄親千里外
時外王母就養
江西官舍未歸簪蒿隨姊十年餘谿田此日通漁舫鄉

夢全家上鹿車只有諸甥偏戀母櫻桃花下遞牽裾

初三

初三花發檻初五月窺門樓小難藏影簾重不隔覓蛛絲黏鏡濕毘淚滴鐙昏笛憶參差響書摩宛轉痕

病中作

病怕春光到眼前未尋鐙火已孤眠裏中自有空明月身外都成浩渺天偶憶紅顏思覽鏡慵梳綠髮任垂肩顏生衰早終生天誰向黃塵羨永年

樓居

只覺樓居好簾鉤靜裏斜頽牆只三尺春影過人家
破曉

破曉簾前望園荒綠欲齊春知來路濶天覺過墻低驚
筍有時折野鶯無數啼萋萋一坡草踏爾過橋西

中井歌爲鄒翁賦

山花只入房山燕只棲梁一春綠竹不過墻一生遊魚
不出塘誰來丈人家北郭瘦李西谿楊誰和丈人詩南
巷狂沈東頭王丈人十雙田歲得千斛糧丈人一陂澤
歲牧千尾羊嫁女不插花娶婦但識桑人間有此太古
方丈人不出中井鄉

擬古艷詞

夜扇開幽影春燈卸別輝林花送愁去棲燕抱魂歸坐
久風添陣更闌月有圍剩寒回繡幕選夢入孤幃

寄大興朱編修筠

壬午冬在友人處讀公古賦數首愛不忍釋又聞公愛士遂作此寄之

昭陽歲涂月公文傳手鈔聞公學昌黎興極乃欲號昌黎善爲文乃不識李翱昌黎善爲詩乃不值孟郊我生十年學刺嘈慈母訓我窮風謠哦詩切雅賦切騷世哂才上如秋毫君不見公文足戴北斗杓我筆亦傾東海濤

省蔣十二墳

爲種一枝栢流青入夜臺攀條盡西向記爾未生回芳茂山省從母

小築谿深處都憐補薜蘿亂山開戶遠秋月閉門多衣
令親添繭燈昏乍拂蛾遲眠貪久語不覺夜全過

二月十三日夜乘月出城至小東門橋迷路三鼓始反
橋南未有人橋北盡春墳轉向危橋立聽鐘別夜分橋
心暉暉月華滿魚影過驚人影短三更倦立倚孤桃燕
子識人來處遠

藥裏

藥裏猶餘病裏身三層閣小住幽辰風簾白墮棲鳬燕
花徑紅遮入夢人往事雨昏勞把燭此間天遠定無塵
蕭郎指爪愁都落莫向閒中說好春

午睡

一樹藤花六尺牀
飴簫聲遠繞空墻
幽眠乍起渾無事
新月在天春晝長

題阿房宮圖

一百萬卒長城中
四十萬卒新安東
咸陽間左已盡發
餘者內築阿房宮
小刑鞭笞大刑族
趣就咸陽萬間屋
連城跨渭百里餘
日月光窮許然燭
秦家築宮連百區
雄心一世至萬世
束縛黔首常安居
可憐絹粉今淒瑟
焦土星星野螢出
版屋祠荒賽百蟲
阿房賦冷吟殘蟲
噫吁嘻愍儒鄉火
一日咸陽宮火三
月君不見楚人灰
紅秦燼黑漢家龍
興由火德
芳茂山夜宿